

# Hallo

© Aernschd Born Text Musik 1998

Genre	Politsong zur Überwachungsgesellschaft, Basler Mundart / Deutsche Version: <a href="#">Hallo Polizei</a>
Kurzbeschreibung	Wer beobachtet wen?
Veröffentlicht auf	Borninbasel CD2
Besetzung	Aernschd Born Gesang Gitarre, Michael Pfeuti Kontrabass, Roland Fischer Percussion
Aufgenommen	Crealize-Studio Basel 2002
Akkorde, Noten, Griffe	Zweite Seite
Anhören	<a href="http://www.musicday.com/player/?band=aernschd-born&amp;song=YAo">http://www.musicday.com/player/?band=aernschd-born&amp;song=YAo</a>

## 1. Strophe

Hallo isch do dPollizei, ich wötti öppis mälde  
I waiss es isch scho Mitternacht, i mach das ehnder sälte  
Aber visavis do schtöht e Kärli uf dr Schtrooss  
Schwarzli Läderjagge und 1.78 gross

## 2. Strophe

Jo ich waisses au, klar, das ghört sich nit  
Me sotti nit go schnüffle, scho gar nit um die Zit  
Jä solli zuenem use go und ihn so richtig rüffle  
Und är solli nümme länger ammer ummeschnüffle

## 3. Strophe

Wieso sin si so sicher, dass mi dä nid observiert  
Aha si hän scho alli mini Date regischtriert  
Do bruuche si kä Schpitzel meh, wo nächtelang duet warte  
Hejo, für was han ich e Händy und die ganze Karte

## 4. Strophe

Cumulus und Visa und was es alles eso het  
Und denn mini Schpure durs Web im Internet  
Drum könni dä do usse gar nit ihre Schpitzel si  
Si mieches hütte ohni dä, jo jetze sehnis ii

## 5. Strophe

Ich seigi gege Schnüffelschtaat, hejo, do hänsi rächt  
Wieso i denne schnüffle dät in däne länge Nächt  
I has jo numme welle mälde, wüssesi, jetz fischt er  
Hinter sällem Müürli füüre zwai Benzin-Kanischer

## 6. Strophe

Klar es goht mi gar nyt aa, är läärt si äifach us  
Und zwor genau bim ligang vo däm Mehrfamiliehuus  
Är gheit si Zigarett dri – und jetze won er furt isch  
Sott mes däne sage, aber ich ka doch käi Kurdisch.

## 7. Strophe

Tschuldigung für d Schtörig jo i loss si jetz in Rueh  
Si hän kai Zit si häige gnue mit minesgliche z tue  
I solli lieber warte und wenn d Hütte täti brenne  
Sollis lieber däne duregäh, wo denne renne

## 8. Strophe

Hallo, isch do d Fүүrwehr, i waiss es isch scho schpot  
Aber dr Himmel vis a vis, dä isch scho rot  
Kömmesi so schnäll es goht, mir isches nümme ghүүr  
Und schprützesi mi Huus ab, sunsch fangt das au no Fүүr.


# Hallo zweite Seite

Akkorde Noten Griffe

© Aernschd Born 1998

im Buch mit 2 CDs «Born in Basel» – bestellen

Sehr schnell



A D E A

Hal- lo isch do d Po- li- zey ich wet- ti öb- bis mäl- de  
I weiss s isch Mit- ter- nacht ver- by i mach das en- der sä- te

A7 D F#dim C#m

A- ber vis- à- vis do schoht e Kär- li uff dr Schtross

F#m Hm E

schwar- zi Lä- der- jag- gen und eins- acht- e sib- zig gross

E

schwar- zi Lä- der- jag- gen und eins- acht- e sib- zig gross

A D E A7 F#dim C#m F#m Hm